

109 年全國語文競賽客家語朗讀文章國中學生組（南四縣腔）

編號 03 號

【寫分考卷个心頭話】曾菁怡原作

熟事你幾下年，毋識聽你講過一句話，明知你个名姓，每擺看著你過愛你寫一擺分你看，實在毋知若心思。

熟事你幾下年，你總係愛你自家理解若問題，係回答毋著，你就面紅濟炸同你變面，吾姆係知，你就有竹筏仔好食。

熟事你幾下年，係看著你有滿滿个笑容，你就天轉笠嫵花，暢到佇毋著，鞋底像有彈簧弓仔，行路都會跳啊跳仔。

考卷啊考卷，你个學生生活一路里來同你黏核核，剝都剝毋敢，你分你驚又怕，又一等期待。你驚怕毋知仰仔回答若問題，你又期待若問題全部在昨暗晡更深夜靜該下你讀過。

考卷啊考卷，你毋係盡愛同你見面，每擺約定見面个日仔係到地，你就企坐毋得，空氣像啗毋著，淋水還會哽著，肚腸像有一粒緊來緊大个雞胥仔，輕輕仔刺一下就會爆開……。

恁得人惱个你係麼人發明个？先生試著你盡要緊，爺哀總係記得你哪久會跔你歸屋下，想愛同你屏起來都無法度。每擺生日許願今年做得無考試，結果一擺都無實現。跔阿婆去拜伯公，同伯公祈求先生个考卷會毋見核，結果也無一擺成功。

該日你寫毋出答案，你嘎譴到面紅濟炸，先生同你交分你該下講：「寫考卷係檢驗你學習个情況，毋使同佢看做精怪，寫毋著个地方你等愛加強學習，恁仔正會進步。」你正明白你背後个心思，點點滴滴就係愛同你搵手，原來你誤解你恁久也……。

故所你開始改變學習个方法：先生還毋曾上課，你就先讀過內容；先生講解課程該時，你就耳釘釘仔聽，還同重點記下來；下課時間，你會請教先生問題抑係尋同學討論；放學歸到屋下，你就煞猛讀書，回想今晡日先生教過麼个。日見日，你緊來緊體會著學習个快樂同成就感，寫考卷也緊來緊有信心。

考卷啊考卷，頭擺對你个怨怪係你對你無了解，總係同你當做大精怪，發夢都想同你扯爛爛。自從理解若用意後，你就將你當做學習溫度計，溫度忒低代表你學習毋罅，愛過認真兜仔；溫度提高，就表示你有吸收先生教个內容，係對你學習个肯定。

考卷啊考卷，感謝你督導你認真讀書，你會煞猛打拚分你有滿滿个笑容，毋會失望。

【紮祛把个阿九仔】陳米英原作

俗諺講：人總愛有手藝，就算打田打地也打毋核你个好手藝哦！講著阿九哥，在頭擺偌歇个偏僻莊頭項，大家對佢个印象係「癩九仔」，無就「戇九仔」。其實佢毋癩也毋戇，佢有一手紮祛把个好手藝哦！頭擺耕種人「禾仔」割起來，毋管一甲地、兩甲地个穀擔，揸歸禾埕，晒穀个婦人家就愛一祛把、一祛把同禾稈仔掃到淨淨俐俐。歸禾埕看著个係黃恹恹个穀，這係農家緊工時个景象。

一冬个收成，晒燥个穀除仔出農會、糶兜分細人仔讀書繳學費以外，伸个揸歸屋下个穀倉堆起來，留等做伙食，這係一般農家个習慣。自偌知人我以來，偌等歸大伙房就恁仔，年視年个莊居生活，一代一代傳承下來，這下有兜莊下人也還過等恁仔个生活。最重要个係愛割禾个前論¹半個月，禾仔黃嘴咧、勾頭吔！大家就開始搭信分「阿九哥」，上家阿華伯愛五支，下屋阿乾叔愛兩支，隔壁个阿記哥愛五支，對門山个學老伯姆愛五支……，阿九哥係偌大阿姨个俵仔，毋使講佢也會留仔三、五支仔分偌等

用。

阿九哥紮个祛把撈腹又纏纏，實在有耐用。閒時佢就一哪仔去拗桂竹筏仔紮祛把，紮好過後，等一駁仔正載出去零賣，一臺老自行車，後背个車棚架仔輒常載到騎毋得，佢就用牽个，上崎時過食力，佢會同偌毋曾讀書个老弟約好，在佢經過个路脣項等佢搵搵車仔，佢也會在褲頭項囤一包硬糖仔拐老弟。佢一出世，「正」手正四支手指，吾姨丈迷信講破相會同佢畜死核，故所，直接同佢安名仔安到「阿九仔」。

跔等社會个進步，農家也已經大面積个機械化，割禾機在禾田項，駛過來，行過去，一袋一袋个穀包已經淨淨俐俐，毋使一晝邊个時間，一大片个禾仔就割好吔！祛把係頭擺人農用个必須品，這下淨伸學校學生仔用來掃校園个樹葉仔，抑係社區活動整理環境時正用得著，吮過乜無頭擺紮到恁撈腹、恁耐用吔，這紮祛把个傳統手藝，乜跔等時代个進步，已經失傳吔，留分偌个係思念阿九哥个認命，懷念佢殘而不廢个堅耐精神。

¹ 論：音 nun；大約。

【菜園項个童年】范玉桂原作

對縣議會頭前這條路行向北片，大約百公尺左右，看轉東，係一條四線道个外環道路，兩片路樹生到榮榮，筆直筆直个路，車仔來來去去，想起這條路在頭擺係河壩埔，想起這河壩埔係分吾爺哀畜大俵這兜个菜園地，還過係俵童年時期个搞樂場。

記得，還細个時節，日時頭俵同老妹跔伯姆到屋下寮，因為阿爸、阿姆去河壩埔種菜，大約仔兩分地恁多仔个菜園埔，有時伯姆無閒，俵就盡暢，因為俵做得跔阿姆去菜園，該係俵同老妹盡好搞寮个遊樂場。

「阿美仔，看等老妹，莫春上春下，橫倒地啲！」阿姆在遠遠个瓠棚下大嫲牯喊。「好！」俵嘴項應等阿姆，毋過，俵兩姊妹早就在一廂一廂像迷宮个菜廂壠走上走下地，忽然間，老妹頓恬，害俵春等過去，「唉啲！」「你看，你看，橫倒地啲！係躡著菜就綿核地，噯～兩姊妹走到哪去？」聽著阿姆在該喊。「噓！阿姆恬恬哦！」俵企跔起來手指緊比緊畫，喊阿姆遽啊過來看，菜地脣有一粒一粒个細泥團係麼个呢？「哈！哈！哈！」阿爸揸等水桶水行過來嗒等仔講：「該係土狗仔。」阿姆哀唷！

俵還無看過土狗仔愛仰仔扭。

阿爸緊講緊同泥團堆輕輕仔培開，一個細細个空顯現出來，續等，阿爸揸一隻茶罐水，慢慢仔斟到空裡背，水緊倒，空裡背就「啱！啱！啱！」緊響，水沒¹空口該下，有兩條幼幼个鬚緊停動，一下仔就看著烏烏个土狗仔頭那鑽出來，阿爸跔等就共快用手撇啊下去，拳頭一搭扭起來，拿分俵同老妹看，俵兩儕又驚又好，想看又跳到遠遠，背尾，阿爸同土狗仔放入空酒罐仔肚，講等下歸去，愛同隔壁个阿明叔來一場土狗仔相鬥，俵就有一場土狗仔打鬥个戲齣好看地。

雖然，俵毋敢扭嗶嗶跳个土狗仔，但係，俵做得在菜園地項挖蟻公，拈到手項噯毋會驚，還有，俵也毋驚蠓螺仔，因為，阿姆講過蠓螺仔會食菜葉仔，下把仔，俵還會同老妹比看麼人扭个蠓螺仔過多，愛拿歸去餵雞鴨。

這下，河壩埔个菜園變到四線道个外環道路地，阿爸也無在地，快樂个時光淨做得在深深記憶中慢慢仔回憶，行到外環道脣，看轉東片盡像看得著阿爸揸等水桶淋菜，行行菜就青柳柳仔，盡像看著阿爸跔等摘菜、擲草，每一廂菜都整齊，盡像看著俵同老妹在一廂一廂菜園項走上走下个影像。

¹ 沒：音 mud；掩覆、蓋過。

【鳳凰花開】李幸妃原作

落雨過後个空氣，鼻起來帶有淡淡个香味，運動坪脣个圍牆下，遠遠看過去，像攤一條紅色个花布巾共樣。雲散天清，日頭照在該頭正洗過圓身个鳳凰樹，有青有紅嶄然靚。軟柔个風定定仔吹過來，分人感覺著清涼鬆爽。眼前个景象像一幅圖，錫佬定定仔行兼，企在該，一下嘎看到入魂去吔，好恬恬仔¹頭那裡背颯出盡多畫面，一幕一幕帶佬歸到過去。

該時正入來學校讀書，單純又天真，哪會知鳳凰花開有麼个意義。想講這種柑紅色个花蓋靚，等到歸樹把个花開到紅啾啾仔該時，就係阿哥阿姊佢等愛畢業，愛離開今嘎个學習階段，該佬就使得升一個年級，心肝肚有个，單淨係歡喜定。還有，鳳凰花當在開該下，下課吔，該又係佬等尋寶个好所在。大家約好，樹下哪都去拈大細皮个花瓣²、花蕊，拿歸去鬥鬥啊，排好一隻隻靚膩膩个揚蝶仔，正小心細義夾在課本个內頁，過幾下日，等佢燥核吔，拿出來做自家正有个，該有一無二个鳳凰花書籤。該每一

¹ 好恬恬仔：音 ho` diam` diam` e´；好端端地。

² 花瓣：音 fa´ pan。

張書籤，都有自家當時特有个創意做法，係拿來同好朋友、細妹仔伴輪交³个好禮物！

鳳凰木硬硬个莢果，就像一支大彎刀高掛在樹頂，佢對青色轉做烏色，必做兩析跌下來該下，大家都會相爭去拈跌在地泥下个這兜「大刀」。過後學人做戲，你劇佬擋，擺把仔會同佢插在褲袋無就拿在手項，三、五個共下行過來行過去个形仔，毋會輸該電視裡背个大俠哦！就恁仔歸陣个細人仔伴搞到毋知天地、暢靈靈仔⁴。有這兜天然个燥花同像大俠用个彎刀好搞，毋多知仔同這個充滿離別味緒个熱天添放核了了吔。

蓋輒聽著个音樂聲同佬擲歸來現實个世界。係啊！聽著樹頂个蟬仔，大嫵聲唱出「知了、知了」，看著同學像鳥籠裡背个鳥仔，跳上跳下，不時噤噤喳喳，該種想愛趕緊飛出去个心情，都寫在面項。該頭開滿柑紅色个鳳凰木，跔風搖啊搖仔，緊在提醒佬——分別个日仔兼吔、兼吔哦！佬在心肝肚同鳳凰花講再會，又企加一下仔，佬知：過去个，就過去吔！這下做得把扼个，定著會搭纏！鳳凰花開吔，敢有人會想起學校个點點滴滴、一草一木，還有先生个聲音無？佬會！

³ 輪交：音 lin` gau；交換。

⁴ 暢靈靈仔：音 tiong lag lag e´；很高興的樣子。